

sensio, sicut utriusque attestatio declaravit, firma etiam per nostrum decretum, & sententiam S. Concilii in omni tempore permanebit, hoc est, ut Maximus quidem sanctissimus Episcopus, seu Antiochiensium sanctissima Ecclesia, duas Phœnicias & Arabiam sub propria habeat potestate: Juvenalis autem sanctissimus Hierosolymorum Episcopus, sive sanctissima Ecclesia quæ sub eo est, tres Palæstinas itidem sub propria habeat potestate; vacantibus scilicet secundum jussionem divini & piissimi Principis omnibus rebus, & quocumque modo sacris ab utraque parte litteris impetratis, insuper & mulctatione quæ in eis hujus causa noscitur contineri.

Ex his collige tres Palæstinas Patriarchalem Episcopi Hierosolymitani diœcesim fuisse, sed has non eosdem in Ecclesiasticis ac in Politicis limites habuisse, te docebit Notitia antiqua ex Vaticano codice manuscripto desumpta, necnon alia ex altero codice Regio manuscripto, quæ partem Arabiæ Petrææ proprio præsidii in Civilibus subjectæ ad tertiam Palæstinam in Ecclesiasticis spectasse testantur. Utramque in secunda parte hujusce operis reperies, unde earum verbis iis referendis haud immorabimur, ut ad alia transeamus. Cæterum qui uniuscujusque Palæstinæ Ecclesiasticæ limites fuerint, singularum civitates postea enumerando, satis evidenter indicabimus.

Episcopo Hierosolymitano Patriarchali autoritate donato, huic etiam jura Patriarchalia collata sunt. Imprimis, quod ad eum ordinatio Episcoporum Palæstinæ spectaret, satis probatur ex Euagr^o, dum ait, Theodosio in locum Juvenalis ab Hæreticis facto Episcopo, ad eum multos ex urbibus Palæstinæ accedentes effecisse, ut ipsis ejus autoritate designarentur Episcopi, ac inter eos Petrum ex Iberia ortum Episcopatu Majumæ prope Gazam sitæ donatum fuisse. Quod etiam congregandarum Synodorum autoritatem habuerit, ex ipsis Palæstinæ Synodis probatur. Siquidem Joannes Hierosolymitanus Concilium trium Palæstinarum sub Hormisdæ contra Eutychianos coëgit, cujus Epistola Synodica in act. 5. Concilii Constantinopolitani sub Menna reperitur. Aliud simile congregavit Petrus Hierosolymitanus contra Severum, Petrum & Zoaram hæreticos post obitum Agapeti anno Domini 536. necnon & contra Anthimum, ut ibidem videre est. Unum tantum monebo circa hæc Concilia, plures Episcopos ex vicinis provinciis Phœniciæ, Syriæ, Ciliciæ & aliarum, ut sæpius in aliis factum est, his interfuisse, & subscripsisse; ne quis forsan errore deceptus omnes Episcopos quorum subscriptiones inibi reperiuntur, Palæstinos fuisse censeat. Ex Cilicia 1. fuit Zephyriensis Episcopus, ex Isauria Jotapenus, & Philadelphienis, ex Syria 1. Gabbenis, ex Euphratesia Neocæsariensis, ex Theodoriade Gabalensis, ex Phœnicia 1. Ptolemaidensis, Aradensis, & Paneadensis, ex Phœnicia Libani Abilenis, & Heliopolensis.

Porro Hierosolymitanus Patriarcha tres subjectas Metropoles in tribus provinciis habuit, Cæsaream Stratonis cujus Episcopo prius parebat, Scythopolim, & Petram.

Cæsarea, ut legitur in Notitia Græca, Civitas deliciosa est, omnibus abundans, & structura elegantia supra multas eminens. Tetrapylum enim ejus ubique celebratur quod utique singulare est, & visu spectabile. Ad mare Syriacum sita & munissima, maxima, & opulentissima, & quasi arx universa Judææ ab Herode ne rebellaret posita est. Non minus tamen accuratè hujus ædificia marmoribus, ceterisque Architecturæ ornamentis adornavit, Cæsareamque in honorem Cæsaris, quæ prius Turris Stratonis vocabatur, nominari voluit. Metropolis Ecclesiastica primæ Palæstinæ facta est, & Cornelius Centurio à Petro Apostolo in ea baptizatus, primus ejus Episcopus fuisse creditur. Sed & multi ejus successores reperiuntur in historia Ecclesiastica, ac inter eos Flavianus sub Diocletiano, Theophilus sub Commodò, Theoctistus tempore Origenis, Domnus & Theotecnus sub Gallieno, Anatolius antea Episcopus Laodiceæ quem sibi successorem

V.

QUOMODO
HIEROSOLY-
MITANUS EPI-
SCOPUS PATRI-
ARCHALIA
JURA OBTI-
NUERIT.

Euagr. l. 2. c. 5.
Πρὸς τὸν πᾶν-
των ἐν Παλαιστίνῃ
πόλεων ἀφινεμέ-
νον, χειροτονεῖσθαι
σφίσι ἐπισκόπους
παρεσκεύαζον, ἐν
οἷς καθειστήκει καὶ
Πέτρος ὁ ἐξ Ἰερου-
σῆ καλούμενον
Μαίουμᾶ τὴν πρὸς
τῇ Γαζῶν πόλει
τῆς οἰκίας τῆς ἐπι-
σκοπῆς πρὶς εὐθείας.

VI.

CÆSAREÆ
METROPOLIS
PRIMÆ PA-
LÆSTINÆ.